



Nov DVD rumantsch per uffants: Toni sa stgomia

■ (cp) La Televisiun Rumantscha e la Lia Rumantscha han edì in DVD per uffants che cuntegna 7 istorgettas dad in mat plain mirveglias. Questas istorgias èn curtas ed adattadas per la vegliadetgna da ca. 4 fin 8 onns.

Toni fa gugent termagls cun ses album da tatgaders magic che sia mamma ha regalà ad el. Quel al pussibilitescha da far numerusas aventuras e da visitar per exempel in prinzi, ina diala, ils chavallets da mar ed in luf. Uschia chatta el buns amis ed emprenda ina massa chaussas interessantas e novas. Natiralmain che Tim, ses chaun, l'accumpogna sin tut ses viadis.

Las rollas vegnan pledadas da: *Marietta Jemmy, Claudio Spescha e David Truttmann.*

Las 7 istorgias curtas èn adattadas da las illustraziuns e dal cuntegn per uffants pitschens. L'entir DVD dura 56 minutas.

Ins po cumprar il disc tar la Televisiun Rumantscha (www.rtr.ch) e tar la Lia Rumantscha (www.liarumantscha.ch) per il pretsch da fr. 29.50.